



**КОМПЬЮТЕР ДЕТЯМ
НЕ ИГРУШКА, А СПОРТ**

В костанайской специализированной школе-лицее-интернате информационных технологий «Озат» впервые среди школьников области организован турнир по киберспорту. Восемь команд учеников IT-лицея сражаются в популярную игру DOTA-2.

стр. 6



МЕРЕЙЛІ МЕКТЕБІМІЗГЕ 47 ЖЫЛ

Меңдіқара ауданы, Введен орта мектебінің тарихы 1972 жылдан бастау алады. 47 жыл ішінде мектебіміз қаншама түлекті ұядан ұшырып, қияға қанат қақтырып келеді.

12 бет

Болашақ мамандарды даярлау

Арқалық политехникалық колледжінде жаңа оқу жылының жұмыс жоспарына сай, өндірістік оқыту шеберлері жетекшілігімен білім алушылардың таңдаған мамандығына орай сабақтан тыс қолөнер бұйымдарын жасау үйірмелері жұмыс істейді.

Өткен жылдың аяғындағы жетістік – электргазбен дәнекерлеу мамандығы бойынша өндірістік оқыту шебері Е.Қ. Калиевтің жетекшілігімен ГЭС-34 тобының білім алушысы Серікболсын Сайлау «Электрленген мангал» жобасымен Қостанай қаласында өткен облыстық электрленген бұйымдар сайысында жүлделі орынға ие болды. Бүгінде заманауи «Жылжымалы жылыту пеші» жобасын жасауды қолға алып отыр. Өндірістік оқыту шебері А.Ж. Жапарғалиева серіктестермен, атап айтсақ, тігін шеберханаларымен, істәжірибе өтетін мекемелермен тығыз байланыста.

2018 жылы А.Ж. Жапарғалиеваның жетекшілігімен білім алушы А.Бакирова «WorldSkills» Қостанай облыстық сайысында жүлделі орынға ие болды. Арқалық политехникалық колледжінің «Жыл адамы» номинациясын жеңіп алды. Колледж әкімшілігі шеберлер мен білім алушылардың еңбектерін бағалап, ақшалай сертификаттармен және мадақтамалармен марапаттады.

Өндірістік оқыту шеберлері әр бағытта жұмыс жасайды. Атап айтар болсақ, Н.А. Қалжанов «Өздігінен ток күшін өндіретін қозғалтқыш», Б.Ө. Тойшыбеков «Электромобиль макеті», С.Г. Жүнісов «Жел электр станциясының жобасы», Д.Торғайбайұлы «Заманауи ауыл шаруашылығы техникаларының макеті», Т.М. Ахмет, Д.Х. Бекеева «Арнайы қобдиша», ішінде оператор ЭЕМ мамандығының бұйымдары шоғырланған, Ф.Х. Алексеев «Бәйтерек» монументінің жоба-



сы, М.Ж. Ельясова, М.Т. Исмагулова «Шашқа тағатын әшекей бұйымдар» үлгілерін жасап шығарумен айналысады. С.С. Хасенова, И.Е. Еденова «Аспаз мамандығына байланысты заманауи бұйымдар» жасауда, Қ.Е. Смағұлов, Т.Т. Искаков «Заманауи ғимараттар жобасы», С.Ж. Абдрахманова «Колледж ғимаратының макеті, оған баламалы энергия көзін қосу» жобасымен айналысу барысында жұмыс істеді.

Сабақтан тыс үйірме жұмыстарының басты мақсаты – білім алушылардың таңдаған мамандығына деген қызығушылығын, ой-өрісін дамыту, біліктілігін арттыру.

Үйірмеге жүйелі түрде қатысатын білім алушылардың оқу үлгерімі артқаны, себепсіз оқудан қалудың жойылғаны, тәртібінің жақсарғаны, өзі таңдаған мамандығына деген қызығушылығы артқаны байқалады.

Б.Б. ТУРГАЕВ,
Арқалық политехникалық колледжі
аға шебері